





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.102/a





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.102/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.102/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL 1.6.102/a

1.6.102


CONFLICTVS

AD NEVELAM POLONORVM

CVM MOSCHIS.

Auctore

Ioanne Stariconio Semusouio, Philomuso
Academico Occulto.



51 79
BONONIAE,

Ex Officina Mercuriana Ioannis Rosij,

MDLXVIII.

Curiae Episc. & Sanctiss. Inquisitionis concessu.

CONFILITVS


AD NEVELAM TOLEBORAM

DAU MOSCHER.

Augore

Incunabula, singula, singula, singula
Incunabula, singula, singula, singula

Incunabula



HONORARI

Incunabula, singula, singula, singula

Incunabula

Incunabula, singula, singula, singula

SERENISS. ET POTENTISS.
PRINCIPI, ET DOMINO,

DN. SIGISMUNDO AVGVSTO
Iageloni, Inclyto Polonorum Regi, Magno
Duci Lituaniæ, Russiæ, Prussiæ, Masouiæ,
Pomeraniæ, Liuoniæ, Samagethiæq; Domino
& hæredi, Domino suo colendissimo.



I licet, & fas est, oculis *Auguste*
benignis,
Vatis primitias, intueare tui.
Quodq; ad *Romulei,* cecinit mea
Musa, susurros
Tybridis, indignum perlege Re-
ge melos.

Inuenies illic Moschos: & Lechica duri
Auspice te, quantum pectora *Martis* habent.
Videris Arctoas, titulis accedere nostris,
Et tibi, deuictas succubuisse, plagas.
Serius hoc equidem (nam tertia uertitur æstas,
Moschia quò nostro fulmine tacta gemit)
Serius hoc Italis inquam, enarrare libello
Incepi, heu latuit gloria uestra diu.
Peccatum fateor, sed me peccasse licebat:
Et dignus uenia quisque coactus erit.

A 2 Vatis

Vatis enim Andini, cum sit tua gloria cantu
Digna, mihi nimium grande fuisset onus.
Res quoque tanta fuit, nostrum submittere robur
Cui, nisi nil aliud, litus arare fuit,
Et Rodopes taxos, Aemi coniungere syluis,
Et Siculi guttas enumerare sali.
His onus hoc potius dederam, quorum Indica sulcas
Aerato semper, cærule, dente ratis.
Et quorum ingenium multò felicius, atq;
Amne suos cursus uberiore facit.
Nostra leues fluvii, vix suffert cimbula fluctus:
Et modico ingenium, labitur amne meum.
At quia, magnorum usque huc processere Maronum
Somnia, nec soluunt membra sopore suo.
Plusq; illaudati dignas Busiridis aras,
Quàm tua, perpetuo carmine, gesta putent:
Quamvis nauta rudis, pelagus nec currere possem,
Attamen imposui carbasia magna rati.
Siue nec ingenio ualeam, nec uiribus æquis,
Diuina uolui te cecinisse lyra.
Hoc siquidem nobis imo de corde petatum est,
Ut tua per populos, gloria tanta foret.
Luxurient alii ingeniis, quos æquus amauit
Cynthius, atque arment prælia in atra Iouem;
Disparibus numeris, me certè uestra tueri
Non pudet, & gratis me decet esse probum.
Comprobet

Comprobet officium tua Rex Auguste uoluntas,
 Et dexter nostræ uela tuere ratis.
 Te duce contemnat linguas mea Musa malignas,
 Inq̃ tua cantu fessa quiescat humo.
 Primus ego Andinas (tantummodò uita superfit
 Utriq̃) efficiam te celebrare Deas.
 Primus Antoi referam tibi uatis honorem,
 Et mea quem laudet, Musa Quirinus eris.
 Atq; ubi, saxoso decurrens gurgite, Sanus
 Murmurat, & patrium perluit amne solum;
 Propter aquam, in uiridi constrato gramine campo,
 De solido, ponam marmore templa tibi.
 In medio mihi numen eris, aditusq̃ tenebis
 Auguste: atq; loci tu Deus huius eris.
 Aurea uelabunt omnes aulea recessus,
 Inflexosq̃ tegent myrtea ferta tholos.
 Illic lagelo radiis pingetur acutis,
 Illic resq̃ suæ posteritatis erunt.
 In foribus Litaum gentes illo auspice primum,
 Aeterno effingam ritè litasse Deo.
 Has Ister bello fractus septena sequetur
 Cornua, & immissus colla superba iugo.
 Nox profugos, amisso addam ex oriente Borussos,
 Atq; triumphatos iura Polona pati.
 Stabunt & Bessorum aquile, uerum apta rapinæ
 Pro dominis, acuent cornea rostra nouis.

Nee

*Nec sua Coriibis depromet tela Gelonus,
 Maluerit potius uictus abisse Tomos.
 Moschicus hinc hirtos uelatus arundine crines
 Præbebit uinctas ære Volochda manus.
 Parte alia Valachos, pulsum & Bohodana procellis
 Submerget, nullo segnior amne Tyras.
 Deniq; tu Grachi redimitus tempora lauro,
 Ad sedem niueis progredieris equis.
 Victa triumphalem præcedet Moschia currum,
 Et debellatis rapta trophæa uiris.
 Te croceis circum uolitans, uictoria pennis,
 Victorem populis, deferet esse tuis.
 In summo (stellis ubi clarum ardentibus axem
 Adiiciam) hæc fieri cuncta iubebo, tholo.
 Stabit acerba tuens oculis, Saturnia Iuno,
 Corrumpons Lechis inuidiosa Iouem:
 Aeneadum genitrix, pro libertate Polona,
 In ferrum, & lachrymas, & maledicta ruet:
 Iuppiter in medio, promissa in corde reuoluens,
 Amborum dirimet fata bilance pari.
 Illam indignantem, magno cum murmure Diuum
 Aspicias, causa quod citò uicta cadat.
 Hanc exultanti similem, similemq; iocanti
 Gratantes cernes ordine adire Deos.
 Hinc placet Augusti, celebrare Augusta, Calendis
 Sacra (habeant proprios propria festa dies)*

Et

Et bis sex aris, toti dem admonisse iuuenkos,
 Thuraq̃ odoratis i mposuisse focis.
 Cuncta mihi Bogum linquens, Hypanisq̃ fluentem
 Laus aderit nostri Russia sola fori.
 Curfibus hæc mecum (referemus Olympia) ludos
 Instituet, uictor qui prior ibit erit.
 Ipse tamen foliis cinctus, uictoris Oliuæ,
 Primus quadriugos puluerulentus agam.
 Post ea mox uires, etiam naualibus armis,
 Quidue queant nostras, experiemur opes.
 Tu modò te placidum dederis, & numine sancto
 Non dedigneris pectora nostra tuo.
 Tutius Aeolis nam arreptus nauita uentis,
 Dum Neptunus erit dexter inibit ier.
 Fortius atque rudis cæstus gladiator arena,
 Excipiet si spes ulla salutis erit.
 At uerò, unde Deum regina inimica Polonos
 Oderit? & Veneris cur tueatur amor?
 Si qua uetustatis uerum monumenta fatentur,
 Lechiaci regni Dardanus author erit.
 Nouimus indomitum pectus Iunonis iniquæ,
 Et quod Pellæo sustulit ense Phryges.
 Reliquias Troiæ nos, ob peccata parentum
 Persequitur, simili uultq̃ subesse malo.
 Namq; ubi res Phrygiæ Danaum cessere furori,
 Corruit & Priami regia celsa senis.

Diuerfa

*Diuerſa exilia, & diuerſas querere ſedes,
Troiuſenas miſeros, lucis adegit amor:
Vel quia, ne penitus cecidiſſet Troia ſariſſis,
Conſilium magni tale Tonantis erat.
Regna petiturus, fugiens Simoenta, Liburnum
Dicitur Antenor uela dediſſe rati.
Bis denis, Siculum conſcendit, nauibus, æquor
Aeneas, Italumq̃, attigit exul opes.
Ille urbem Patau, regna hic Albana locauit,
Romulæq̃, prior ſtirpis origo fuit.
Pars Hænetum pertæſa maris, longiq̃ laboris,
Quem peteretq̃, ſatis non benè certa loci.
Hospitium antiquum Troiæ regnata Lyncurgo.
Regna petit, ſua ubi ſpes Polidorus erat.
Addunt ſe ſocios Miſi, Moſchiq̃, Phrygesq̃.
His & Halizones gens opulenta uiris.
Ingreſſi rigidam, non fauſto ſydere Thracen,
Inter Biſtonias ſe poſuere niues.
Eſt res priſca, tamen prorſus non diſſona uero:
Emathiam attingunt ex Aquilone Phryges.
Nuncq̃, ubi Dardanide, Miſi, ſociæq̃, cateruæ,
Conſtiterant: etiam nomina nuda manent.
Sed poſtquam Danaum, Polimeſtor ſigna ſecutus,
Priamidemq̃, illi fas uiolare fuit.
Conuulſis ſubito caſtris, polluta relinquunt
Hospitia, & celerant inde referre pedes.
Deuenere*

Deuenere locos Scythiæ, loca plena tenebris
 Heu quondam tenebris Lechia nota fuit.
 Partitiq; solum, cessere Ceraunia Moschis
 Caucaſi, Haliczones accolere Tyram.
 Confedere Henetum reges, ubi maximus exit
 Istula, & æterno flumina fonte tenet.
 Signa patent facti, retinent uetus æquora nomen,
 Deq; Henetis pelagus, fert Boreale genus.
 Moschorum annales, referunt dum ab origine gentem,
 Se dicunt Thracen incoluisse prius.
 Hoc credat quicunque uolet, tamen ore loquentes
 Hos & Haliczones, conueniente notet.
 At quis Haliczones, Phrygiæ neget esse colonos?
 Græcâq; contendet uerba fuisse Scythis?
 Certè equidem, unde suum producat Halicia nomen
 Rusiæ, Haliczones ipse fuisse reor.
 Non etenim Galato, muros præcingitur amni,
 Eius & a portis longius æquor abest.
 Quin age, quod plures populi fecisse leguntur,
 Nomen, & hos patriæ detinuisse suæ.
 Nec mirum, si non subito innotuere Latinis,
 Cum requies illis laude petita fuit.
 Et loca, quæ Phrygiæ primum obsedere coloni,
 Cimmeriis tenebris nota fuere minus.
 Hocq; fuit fatum, ut socio deleta furore
 Pergama eos inter post recidua forent.

B

Attamen

Attamen & ueteres laudes, & nomen eorum,
Priscaq; in Argolicis legimus arma notis.
Sed quodquod nobis, praelongi temporis ætas
Nomen, & antiquum dempsit iniqua decus:
Id postquam fortuna caput pulcherrima nostrum
Extulit actutum nos renouasse iuuat.
Nempè suis totum Europæ compleuimus orbem
Gentibus, & nostro est milite uicta Pharus.
Vos nobis Zephyrum, atq; Eurum uicistis Eoum,
Nimbosos gelido, cumq; Aquilone Notos.
Et tantum excreuit iam nostra potentia, ut inde
Vix locus in quem plus progrediatur erit.
Hoc turbata, Iouis coniunx, Saturnia Iuno,
Nos inter miseros prælia dira mouet.
Scilicet hoc fuerat solum, quo inimica Polonos
Perderet, & uestras attenuaret opes.
Huic contra, Diuum, Citherea innixa, parentis
Pollicitis, omni mole stetitisse studet.
Et quoniam bello res deduxere, nec ullum
Litibus æternis imposuere modum;
Moschorum Iuno partes, Citherea Polonas
Versibus in nostris quas tueatur, habet.
Illa, ut conficiat, quas nostro corpore partes,
Auulsit; reliquum hæc quò refouere queat.
Hos igitur nobis dictos Auguste tumultus
Cognosces postquam, consule queso boni.

Qui

263

Qui licet alterno subsidant crure, tuentur
 Qua tamen auctorem sat rationis habent.
 Nam quod ubi cadendus erat, turbauius hostem:
 Fecit amor sociis, nos gemuisse malis.
 Et dum uincit amor patriæ, laudesq; Polonæ,
 Cædibus in mediis, ter cecidere manus.
 Dissimilis nam affectus adest, nonq; impetus idem,
 Tempore in aduerso, & prosperiore uenit.
 Nec mea fors hæc est, ut stridulus anser olores
 Aequarem: in te uix officiosus eram.
 Insuper est aliquid, certo narrata referre,
 Gestaq; non falsò bella tenore loqui.
 Me, tua cum rutilo se æquaret gloria cælo,
 Fouit diuitiis Theutona terra potens.
 Rarus ubi hyppophagis, affinis Sarmata Moschis,
 Et qui illis bello congregiatur adest.
 Vlla uiri facies pingentis prælia gypso,
 Et certò addentis talia uerba sono:
 Hi montes Boreæ regnum, quæ defluit inde
 Munibat nostrum fluctibus unda latus.
 Hac campi patuere, ibi erant tentoria Moschum
 Hic steterant nostri Regia signa Ducis.
 Illic Bellona, illic pugnauere Poloni,
 Hic trepidæ Moschi terga dedere fugæ.
 Hæc si quis nobis memoranti uoce tulisset,
 Fors aliqua nostrum parte leuasset onus.

B 2

Arma.

*Armatiꝫ duces, & dantes bella manipuli
Nutrissent gestis carmina nostra suis.
Moxqꝫ ego sumpsissem illo narratore uigorem
Qualem cum resonant, classica miles habet.
At ea uix quoniam uulgò cantata per urbem
Sensimus, haud nobis spiritus acer erat.
Quamuis non querimur, quod te hæc absente canamus:
(Omnis enim in te mens incaluisse potest.)
Sed quia de tantis rebus, quam fama referre
Nonnullæ, aut uulgus dicere posset, erant.
Ignosces igitur nobis *Auguste*; tuoꝫ
Carmina complacent nostra, fauore tibi.
Sic utinam fœlix Neleia tempora uiuas,
Fœliciꝫ manu fræna Polona regas.
Et te, siue Eous erit, siue Hesperus hostis
Horreat, aut fuerit si quis amicus amet.*

Tuæ Maiestatis


Fidelissimus subditus

Ioannes Stariconius Semusouius.

265

CONFLICTVS
AD NEVELAM POLONORVM
CVM MOSCHIS.

Auctore Ioanne Stariconio Semusouio.



Vo duce Moschorum, uicisti
Auguste Tyrannum ;
Et quo barbaricas Lechorum
gloria gentes,
Nilite terruerit : solesq; agno-
rit Eoos :
Cum tutanda foret , positis Li-
uonica castris

Terra tibi, & seruos Scythiæ subducis Olympo :
Hoc primum mihi surget opus. Tu numine sancto,
Fac liceat nobis per laudes ire tuorum.
Annue conanti, & Pelagus mea carbasa tantum,
Ingressura regas , fœlici sydere currant :
Adscriptumq; tibi, non detestatus honorem :
Nostra tuos faxis delectent liba penates.
Multa tibi, ante aras procumbet uictima nostras :
Crescentis tantum, fœlix rege uatis habenas.
At tu Calliope , cœtus Regina parensq;

Pieridum

Pieridum, cuius nigrantem carmine noctem
 Diis geniti effugiunt, Lethesq; obliuia uitant,
 Faucibus atque Erebi, superas toluntur in auras
 Dic quis concordēs, fraternā in praelia gentes
 Excierit; tanti seriemq; ediffere motus.
 Nam meminisse potes, sis cum Dea: solaq; debes
 Si quid de te unquam merui, aspirare canenti.
 Attamen haud indigna peto, namq; Orphea Thracem
 Cum fidibus traheret syluas, & saxa canoris
 Iuisti, & uiridi uoluisti incedere lauro.
 Cum tibi nec sobolem Diuum, nec carmine dignam
 Materiem nisi agros, produceret Ismara tellus.
 Quare age & hos mecum heroas, quos inclyta uirtus
 Deuouet illustri patriam defendere morte,
 Ad superos tollas, uiuiq; per ora ferantur.
 Atque hinc iam tandem caeptis illabere nostris.
 Antiquo, Regina Deum inflammata furore,
 Unam olim gentem, fatis certare sinistris
 Permisit, patriaq; extorrem, & amoris egenam
 Dissecuit: Iouis ista fuit diuina uoluntas.
 Nam perhibent, Henetos Troia Pylemene profectos,
 Auxilium Priamo fidum, Phrygiaeq; tulisse;
 Atque diu Argiuas bello uexasse phalanges.
 Verum ut opes fractae Phrygiae, illorum optima bello
 Pars Antenoreas, naualiaq; arma secuta est.
 Pars nacti reges, animisq; opibusq; parati,

Intrauere

Intrauere solum Scythiæ, mistiq; Lachitis
 Sermonem patrium, mores, ritusq; sacrorum
 Excoluere, ipso sed subsedere Lachitis
 Nomine, sunt dictiq; omnes uno ore Poloni.
 Ex illis, iam tum ueterem Saturnia Iuno
 Temporibus, Troiæ natis prætere culpam,
 Et uersare odius, gentem non cessat utranque.

Tempus erat, quo sæuit hyems, atque aspera terras
 Frigora constringunt, gelidis conduntq; pruinis.
 Et rigidus Boreas, obnubilat aera pennis.
 Omnia cum torpent, nullos cum garrula Progne
 Nec Philomela soror cantus modulantur. & omnes
 Prælia producunt, nascenti uere daturi.
 Diuisere suas, fortes in Marte, phalanges
 Lechiadæ: & terno fines custode tueri
 Constituere: etenim faciendi copia Martis
 Nulla fuit, benè nec detentis uiribus unà
 Prospectum fore sperabant: cum bella Tyrannus
 Moschicus effugeret, timidusq; lateret in Ordinis
 Undique inaccessis conclusus fluctibus, atq;
 Sylvarum latebris; Tanaim prior ergo niuosum
 Maxima pars sortita: secunda Boristhenis ortus.
 Tertia Neuelæ montes, qui longius ullum,
 (Riphaeos olim ueteres dixere poetæ)
 Vix nomen proferre sinant, seseq; feroci
 Atlanti assimulant, aliquid nec cedere curant.

Hoc certò scimus, portant ceruice polares
Circuitus, humeris duris, & sydera torquent.
In præcepſq̃ darent subducto uertice cælum.
Aſiduis niuibꝯ capita alta teguntur, opacas
Pinea ſylua premit frontes, horrentibus umbris.
Vndique nimboſi quatiunt caua tempora uenti.
Tum binæ laterum fauces, & brachia longo
Exporrecta ſitu, rutilo qua Phæbus ab ortu
Progreditur, Parthos nimia aſperitate fatigant.
Atque ubi, deſeſſos ſtabulat, Thetis aurea, Solis
Quadrupes, immani erructant flumina rictu.
Rha prior Hyrcanis, curſu miſcetur in undis;
Lybonotum Tanais, qui diuidit Aſida terram
Europamq; petit: Nilo & contrarius æquor
Impellit, ſeſeq̃ uadis Mæotidos infert.
Duna, Borifthenius, Zephyrum, ſolesq̃ cadentes,
Proſpiciunt, mollisq̃ calentia regna Fauoni:
At ſerus, ex rigidis poſtquam remorata lacunis
Stagna Borifthenius retulit, Balthæa perofus
Æquora, & Heſperios ignes, mundiꝯ teporem:
Horridus ora gelu, curuis anfractibus, undas
Vertit ab occaſu, & Ponto ſua cornua mergit.
Excipit ignotus, fluuios ſine nomine plures,
Oceanus, ualido ſolidum qua concutit æſtu.
Frigidus, immane imperium, hos Septentrio montes
Poſſidet, & nunquam uentorum uincula regis

Fert,

269
Fert, subsunt Aquilo stridens & Circius illi
Cum quibus Aegæum uastat nunc horrifer æquor,
Nunc sibi uicinas, prædo decurrit in oras;
Quandoque incubuere mari, atris Cycladas undis
Transmittunt, tortoq; inuoluunt uortice Pontum,
Haudq; ulli, contra est animus se opponere uento.

Ad Balearis erat, bis sex peninsula fundæ
Verbera, prospectans montes gratissima mergis.
Montibus hanc, leni decurrens gurgite riuus,
Undique munerat, tacitè stagnantibus undis;
Nec limosa palus penetrare, nec ulua palustris,
In latera, & tergum cuiquam dabat; ora patent
Attactu campi modico, sinuosa præmebant.

Hunc delecta manus, quingenti mille Poloni,
Elegere locum, tutandis finibus aptum;
Auxilio cuius nixi, si occasio pugnam,
Vel sors ulla daret, leto configere possent
Fine; nec aduerso lites decernere Marte.
Quo postquam Lesnouolius concluderat agmen;
Perpetuis, fluuii ripas communiit omnes
Curribus, & nodis currus connexit abennis.
Dux Colophoniaci, sacro celebrandus Homeri
Carmine; nostra eius nescit proferre Thalia,
Laudes, atque suos sentit frigescere neruos.
Ergo, tanta meas superet cum gloria uires,
Laudibus illustres dignis frustrabimur? absit.

C

As

At ut erit, certè primis contingere labris.
Adruemur, equosq; suos agitabimus inde,
Talibus in campis, dederint si uiuere Parca.
Non illum Bachi tristes uidere cohortes.
Nec Cytherea, tua quamuis pro gente periclis
Militat assiduis, circumscripsisse coronis
Quiuisti, ut primum uiridem accessisse iuuentam
Concessum fuerat, patrium de pectore toto
Uile prospectat, patriæ se agnoscit alumnum.
Ipsi Masouii, nam ciues omnia ciuis
Facta sciunt dicant, quantos ope iuuerit: arma
Nos canimus, gesta armati dicemus: ab annis
Prima, quibus iuuenis fidens ad bella, sarissa
Prodierat, teneræ magno, documenta iuuentæ
TARNOVIO ediderat: primus contundere turmas,
Aethereasq; arces, salu superare solebat.
Ante, Starodubi, sonitum cornicinis, ingens
Euertit uallum, sociis adituq; parato
Primus in hostili muro, bis, terq; repressus
Emicuit: tantumq; sua uirtute ruentes,
Detinuit Moschos, donec custohibus arcis
Cæsis adueniunt diuersa parte secuti,
Effringuntq; aditus focii, murosq; dolabris
Si comitem Aeneæ hunc, tellus Idea dedisset,
Argolicas quando fossas seruasset Oileus?
At ubi Lechiadum terris, inuictus Achilles

Tarnouius

271

T. ARNOVIVS, iuuenile uidet roburq̃, decusq̃,
 Sedulus in tenero, maiores pectore uires
 Incipit, atque ausus solers nutrire uiriles.
 Vnde illi pietas, grauitas, prudentia, uirtus,
 Et similis fortuna, nec impar gloria belli.
 Vidimus ex spoliis onerantem, summa Tonantis
 Culmina, Moschorumq; sacrantem amenta, Polonis
 Cum clypeis, & gæsa, penatibus, & magnis Dys.
 Vidimus in medias, nullo discrimine turmas,
 Orfica, dum tristi quaterentur, littora bello,
 Turbatum, Lechorum Aquilas & signa ferentem.
 Sed quid multa moror? ueteresq; recenseo laudes?
 Cum memorare iubet uires Neuela recentes?
 Quingentis & mille uiris (credibile nunquam)
 Confregit Boream, fines statuitq; paterno;
 Caucasum pelagus regno; primusq; superbum
 Liouum Boream potuit spoliassse trophæis.
 Res miranda quidem, si non munimine tanto
 Agmina uallasset, si non porrecta magistri
 Pocula, uirtutisq; manu, sortisq; bibisset.
 Sed te magne senex, rapuere aduersa, Polonis
 Fata tuis, uictor liquisti signa, tuosq;
 Pugnarum socios; utinam natura dedisset,
 Vitales cerpsisse tibi diuturnius auras;
 Non magè diffusis, per nostros Moscus habenis
 Iret agros, prædaq; ferox ditaret inulta,
 C 2 Plaustra

Plaustra Scythes : nec iam toties Neptunia proles
 Rex Gothicus , quateret. Liunos ariete muros .
 Verum ultrò , celsis in puppibus arma Poloni
 Venissent Regis, Totilæ ad mœnia ; & atrox
 Tartarus obstreperet uictrici compede genti.
 Iamq; diu nostris parere coacta fuisset
 Imperiis , telus magno regnata Vasillo .
 Et si qua est gelidi gens barbara conscia Ponti.
 Heu quantum potuit rerum hoc ductore parari ?
 At uos progenies , patriæ spes maxima uestra ,
 Progenies Lesnouolii, non stemmata tantum,
 Non titulos spectate patris , uestigia certè
 Vos eius seruasse decet, si nomina uultis
 Excelsis æquare polis ; sua credite namque
 Nobilitat uirtus melius , propriiq; labores .
 Moschus ubi unitas, certis rumoribus audit,
 Lechiadum uires , partito milite terras
 Undique præclusisse suas : spem pectore uanam
 Concipit , & certum studio meditatur inani ,
 Se fore uictorem : ac tandem delere Polonos
 Posse putat bellò ; toto ex Aquilone Tyrannos,
 Imperium qui ferre suum , mandataq; semper
 Consuessent cogit , belliq; incendit amore.
 Addit Tartaricam rabiem , qua Persidis aurum
 Obtinuit , nigroq; olim Lagæa Sefotri ,
 Imperia eripuit ; rigidos huic insuper omni

Præponis

273

*Præponit Mœscos, quos mille laboribus ante
 Functos reddiderat, per cuncta pericula belli
 Inuictos, Scythiamq; quibus seruire coegit.
 Martius est ollis animus, nil dignius omnes
 Esse putant, bello quàm dulcem ponere uitam.
 Sæpius in triduum producunt gutturi ignem,
 Carnibus assidue (mirum) uescuntur equinis.
 Continuum tolerant frigus, uix lampada Phæbi
 Agnoscunt, iuuenesq; gelu sua corpora durant.
 Vxores semper, syluas indagine cingunt:
 Infestisq; domant acres hastilibus apros.
 Primò pennatis tantum pugnasse sagittis,
 Illorum usus erat, pugnasq; iniisse choreis:
 Nunc hostes contrà, fulgentes ære phalanges
 Ducunt, scloppettisq; edocti bella faugant.
 Dexteram Amazoniis utranq; bipennibus armant,
 Loricæ triplici, circundant pectora ferro.
 Ceruices onerant, pinnata casside, suras
 Cruraq; squammoso uelant munimine ferri.
 Fraxineis omnes committunt prælia contis,
 Hostiles clipei conatus orbe retardant.
 Ergo ubi conuenisse uidet, rapit agmina cursu
 Lymphato solus; surgentes uertice cristæ
 Latantem humano, designant sanguine regem.
 Qualem depingit, radiantem cauda cometam
 Lucida, sanguineos conos, extrema minantem
 Imperiis*

Imperiis, terrisq; notantem luce ruinas :
Atyriades ternæ ductorem ponè sequuntur .
Ille uiam ingreditur, Boreæ qua semita monstrat
Regna, suas seruatq; ubi Lefnouolius oras.
Credere si Graiis fas est, non tantus Achilles,
Mirmidonum Dolopumue manus, cōtrà Hectora duxit.
Quo ruitis ciues? quæ uos insania tanta
Torquet? ut in proprios iuretis ferre parentes
Arma, nec hoc scitis quidnam discordia portet?
Iungite amicitias, & certo fœdere certam
Nobiscum firmate fidem, Simoenta paternum
Progenies sic nostra bibet, quæ & territat armis
Nos, dederit uictas nobis uicinia palmas.
Iam uicinus erat, longumq; emensus agebat,
Agmen, iter, Boreæq; implebat milite campos .
Cum nox Oceanum linquens, horrentibus alis
In terras progeffa, inuoluit cuncta tenebris :
Instantesq; neces, erepta luce, morata est.
Interea longum, deflens Citherea dolorem,
Hæc secum : rapitur funesta in prælia Iuno?
Tertiaq; arma parat iugulos cæsura meorum?
At me iam tandem, duo sat uidisse superq;
Non erit excidia? haudq; instanti posse periclo
Troiu genas iuuisse meos? hoc quippe uetabit,
Et soror, & coniunx, nostri Saturnia patris.
Illius promissa ruent? matrona Tonantis

Omnia

Omnia diſſuerit? cædesq; impunè nefandas 275

Miſcebit? tanta huius erit fiducia læti?

Illa poteſt Lybiam, contrà omnia fata Deorum

Gentibus imperium firmare, extollere uentos,

Cum terris miſcere polos, promiſſa Tonantis

Frangere, ſupremas rerumq; inuadere habenas.

Progenies ego chara Iouis, cui gratia cæli

Imperium ſine fine dabit, ſeruare nepotes

Non potero Troiæ? me permittente ſubibunt

Vincula? mox illos inimicus & hauſerit enſis?

Indignum. dedimus pœnas, iam uiribus iſtae

Hora repellamus uires, promiſſaq; regna

Queramus, pœnas pœnis ſolemur ouantes.

Talia flammato dictanti corde, ſub imos

Conceſſit Zephyrus talos, ſyluisq; relictis

Idæis, celeri Lechorum caſtra uolau,

Contigit, & pondus poſuit de mollibus ulnis.

Diua ſolo ingreſſa, in caſtrorum fronte, ſedentes

Primores belli (ſpacioſæ tempora noctis

Excubiis uigiles, uario & ſermone trahebant)

Inuenit: in quorum medio, ſacra ora reſoluens,

Sic Leſnouolium uerbis compellat amicis.

Duſtor Lechiadum, uicinos milite campos

Hoſtis habet captos, totoq; Aquilone Tyrannos

Secum in bella trahit; fac ne te terreat ingens

Confluxus, Martem nec detrectare memento.

Pone

Pone metus adero, nostrisq; hæc bella gerentur
Viribus; in te habeat belli uictoria solo
Principium; mea regna tuis promissa lacertis
Seruabo; inuitis aliisq; resurgere Troiæ
Pergama perficiam; uos digna nepotibus Idæ
Pectora habete, suosq; patres referatis in armis.
Dixit: ad hæc contra Dux sic est ore locutus.

Aeneadum mater, semper tua fata secuti
Fortunamq; patres nostri, considerare in ignes
Ilion, atq; altæ uidere palatia Romæ;
Iactatiq; undis, & longi turbine belli,
Tandem subiectas oras petiere Bootæ.
Imperium, peperere Ducum quod mille labores,
Constituere, Deorum nec nos numina fallunt;
Nam promissus adest, spoliis Aquilonis onustum,
Quem leta aspicias, quemq; inter sydera ponas
Augustus; tu Diua eius tueare fauore
Excellsum nomen, magnoq; æquato parenti.
Nec nobis deerint uirès (sit numina contra
Quamuis ire nefas) super in certamina, regno.
Quingentem Esperio prognata è sanguine, magnos
Virtute Heroas, superare uidebis & armis.
Nec gens ulla pari se se iactabit honore.
Tu modo nostrarum tantum sis unica rerum,
Spes uideasq; dolis ne nos illudat iniquis
Iuno: etenim nulla est nobis arcana potestas

Nosse

277
Nosse Deum, uix sunt nobis mortalia curæ.
Quantus & unde ruat, sit ubi, cognouimus hostis
Surgentem cælo auroram expectamus, inerti
Oppressum torpore, alto uinoq; sepultum
(Turba licet non magna sumus; nec temporis arma
Ignorem, quantum ualeant; & nemo dolumue
Virtutemue requirat in hoste) inuadere nobis
Non libet; imperium nam prolatare Deorum
Artibus haud spero belli, nec fraude dolosa,
Augusti auspiciis uerum conuixus, Eous
Sol ubi prodierit, cum sese uiribus ipse
Contusum noscet, campo congressus aperto
Bella geram: partes tu sola tuebere nostras,
Optatasq; dabis tandem contingere portus.

Sic Lesnouolus; Placuit generosa propago
Idaliæ matri, subitoq; incensa futuri
Ignibus imperii, atque arrecta cupidine laudis,
Omnia pollicita est: & iam sublimis Olympo
Luna regebat equos: rediens cum nubis opacæ
Cernere ne hostis eos, tutoq; quiescere noctis
Extremum possent, atro conclusu amictu.
Strymona sola petit uelox, ubi belliger acres
Sythonios Mauors duris exercet in armis.

At Lesnouolus, maturi pectora belli
Præscius, oppressas somno, rauco ære cohortes
Conuocat: & ualli medio sic de aggere fatur.

D

Lechia-

Lechiade magni, celso qui à sanguine Teucrum
Progeniem uestram deducitis, hostis adesse
Dicitur immensus, toto quem Aquilone Gigantes
Centimaniq; immanes, gens Riphæa sequuntur;
Non uallum munire placet, nec turribus illum
Expectare cauis, sed aperto fidere campo.
Quandoquidem diuum remanet non mota uoluntas,
Sceptraq; iam tandem uobis, promissa propinquant,
Troianas ubi opes, atque altæ mœnia Romæ
Consolemur, & æternis potiamur habenis.
Namq; per obscuram uoluo dum plurima noctem,
Ecce mihi ante oculos, cælo delapsa per auras
Astitit, atque istis fata è Citherea loquellis.
Parce metu populi nostri fidissime ductor
Nos Henetos Troia incensa, deduximus oras
In Scythiæ; nomenq; nouum mutare paterno
Fecimus, & magnos fieri, Lechosq; uocari.
Idem prognatos illa de stirpe nepotes,
Insignes belloq;, togaq;, sub astra feremus.
Imperiumq; illis dabimus: modò stenuus hostem
Aggredere, & paruum belli ne linque laborem.
Hæc postquam monuit genitrix, super æthera cæli
Progreditur, circum aura leuis glomeratur in orbes,
Diuinumq; simul latè diffundit odorem.
Quare agite ò socii, totis incumbite neruis,
Efficitote ferox, patiatur Atoschia tandem

Iura

*Iura Polonorum , nec quæ festina sub alas
 Confugit quondam nostras , ingrata Deorum
 Excuiat regnum ; promissis sistite Diuum
 Spem totam , sic uos magnorum forma Gigantum
 Nunquam terruerit ; mihi cuncta pericula curæ
 Sint adero , uestræq; aderit clementia matris .*

*Exceperè animis læti , signumq; dedere
 Sublato clamore pari , promissa paratos ,
 Velle sequi ; & quamuis non æquent agminis ullas
 Diuisi hostilis partes , tamen intima corda
 Lætantur , decoris pretioq; pericula pensant .
 Dant epulis reliquum noctis , firmanq; ciborum
 Corpora dulcore , instantes sensura tumultus .
 Arma parant , mambusq; onerosum gæsa duabus
 Expediunt pondus , clipeis uelamina demunt .*

*Nec minus intereà , curis Saturnia Iuno
 Distrahitur pectus , uictam se noscere non uult
 Inuisamq; cupit pænitus subuertere gentem .
 Dant animos , magni coniunxq; , sororq; Tonantis
 Nomina ; nec Diuam mortali , iudicat æquum
 Cedere ; & infecto primam desistere bello ,
 Illudq; intulerit , recta ratione reuoluit ,
 Non fore uirtutisq; Dæ , nonq; eius honoris .
 Prætereà , stimulant gentis peccata parentum ;
 Iudicium Paridis , neglectaq; pocula nata ,
 Et genus inuisum , & uictæ Carthaginis arces .*

D 2

Æschica

At oschica castra subit, pigri submersa sopora
*Instillat*q; uiris altum per membra uigorem,
Corripit ante alios Regem. Sic ergo *Vasilli*
Quem decuit uigilasse (inquit) torpore solutus
Procumbis? nec quid, cura circumspicis hostis
Intendat fraudis? dudum te inuadere tentat
*Fecisset*q; scias, ni illi mea cura resistat.
Surge agè, continuoq; ista statione relicta
Duc in bella uiros, *Lechorum* aditure triumphos.
Sic *Dea*. Nos *Regina* tuis in uiribus omnes
Moschus ait, quia sola potes pessundare *Lechos*
Lechorumq; *Ducis* conamina frangere, uires
Fiximus; idcirco noctis transegimus horas
Obscuræ somno. uirtus sumus optima bello,
Quò sequimur trahis, & nos nulla pericla morantur.
Sic ait, armariq; acies clangore tubarum
Præcipit, armatasq; iubet conscendere campos.
Iamq; polo surgens, populos emensus *Eoos*
Lucifer: æthereas, bigis afflarat anhelis
Compages: *Lunæq;* globum, *Titaniaq;* astra,
Exirent cælo, maiori luce monebat.
Præcipiti cursu, uirgo *Lathonia* uultum
Condidit, instantesq; oculis se cernere passa est
Nolle neces, cunctisq; simul comitantibus astris
Orbatas *Phæbo*, uelox concessit in oras.
Segnius ille suos agitabat cursibus axes,

Eooz

Eooq̃ piger firmarat, limine tristes 281
 Quadrupedes, Moschi prænoscens pectore cladem.
 Atque morabatur uenturæ lucis habenas.
 Sed lex à magno, quondam præscripta parente
 Impendensq̃ orbi interitus, si lampada terris,
 Subtraheret sanctam, nequicquam tale dolentem
 Corripuit, ueteresq̃ artes explere coegit.
 Iamq̃ emergentem, non dulci lingua susurro
 Excepit: uolucrum, cantu Pandione nata
 Nec patriis, ut moris erat, prædixit Athenis.
 Eumenides ortum cecinerunt, colla dracones
 Horribiles, dirumq̃ atris sonuere flagellis.
 Luctus habet Boream, uenturæ & præscia cladis
 Numina Moschorum, tectis uenerata sub imis
 Indigetesq̃ Dii, implerunt ululatus axes.
 At non audaci cessit spes corde Uasillo:
 Et concepta semel, totos peruasit in artus.
 Agmina solus agit, solus dispensat ubique
 Martis onus, latera & frontem nunc terga reuisit.
 Serrebnî dextrâs acies, Edigâ sinistras,
 Postremas Suscus, ductant: cum robore primo
 Solus adest medius, galeato & uertice supra est.
 Thessalicis ueluti, circum conclusus Olympus
 Montibus hinc Pindo, Herculeo illinc finitur Oeta
 Inde Othry, Rodopeq̃, tenus modo corpore cunctis
 Aequatur, collo subiecta cacumina uincit,
 Infundunt

Infundunt sese campis, cooperta laborant
 Prata, suasq; uices deslent, sub mole phalangum.
 Qualis ubi Eurotas ruptis furiosus habenis,
 Vicinos Gythi lauros, ex litore saeuos
 Emittere fluctus, inuadit: turba Laconum
 Flet clades nemorum, & ueteris remiscitur oris.
 Non aliter Moschi celerant: clamoribus implent
 Omnia, conuincuntq; polos clangore tubarum.
 Tympana barbarico, castigant more, trucesq;
 Addunt, Lechorum quod, ululatus, pectora uincant.
 Quod postquam Lesnouoli compulsi ad aures,
 Pertulit inuoluens iteratis orbibus aer;
 Dat bellifocius signum; de sinibus omnes
 Absque mora exiliere suis: ceu Sirius agros
 Cum malus exurrit, certatim se agmine longo
 Formicae effundunt, putris radicibus imis
 Arboris; in dubiis quas cogit rebus egestas
 Consulere: it campis miles, nitidusq; iuuenta
 Feruet, & optatas auertere sperat aristas.
 Ductores acies cogunt, praecioq; minisq;
 Non cessant stimulare moras, & inertia corda.
 Haud aliter galeata phalanx, ad tympana passu
 Composuio, uarios sese miscebat in orbes.
 Dum totis furibunda coiret in agmina castris.
 Quadratam primum, ueterano milite frontem
 Constituit Lesnouolius, saeuo aere rigentem.
 Hinc breuib; spatiis, distinctas pone cohortes

283

Tres locat, exhaustos laxis quæ uiribus omnes
 Exciperent, possentq; locos explere priorum.
 Postremas firmant partes, qui bella secuti
 Tunc primum, Moscho decorare, cruore sarissas,
 Et molles cuneis, profectum decore uolebant.
 Cornua lunatis cuneis, frænata tenebant
 Agmina; utrumque latus, claudebat torua phalangis
 Gens peditum, emissis asueta incessere Martem
 Glandibus, atque elibratis pugnare colubris.
 In medio binas Aquilas, insignia Regni
 Ponit, pugnarum certas Helicesq; Ducesq;.
 Tales Herciniis, diductis cornibus Uri
 Salubus, opponunt frontes hastilibus atras,
 Propendet collo uellus, terrorq; iubarum.
 Atque ubi produxit positas in bella phalanges,
 Agmine sic medio, nixus profatur in hastam.
 Tempus adest socii, uestris quo regibus omnis
 Moschia succumbat, diro & cum sanguine pænas
 Perfidie soluat; pulchrum est imponere collo
 Hostili chalybum nodos: si uiribus altis
 Incumbetis erit, uos & uictoria Moschis
 Præponet, uestrumq; benigna tuebitur agmen.
 Frigidius uerò (hæc auertas omina Diuum
 Magne pater,) Martis si horrenda subibitis arma,
 Quis locus extabit profugis? an in æquora classes
 Montibus Ideis ortas, deducere primum
Velletis

Velletis, uentis adituri regna Latini?
 Tunc demum rueret, laxis Saturnia frænis
 In uos, exigeretq; suæ Carthaginis arces
 Hannibalisq; necem, ueteriq; adiungeret ire
 Aegatum clauis, hinc quanta pericula nostro
 Impendent capiti? Moschis ueterata mouebit
 Taurus, Connoßum, atque erepta Liuonia tota,
 Certè odia, euerso nisi nec desistere regno
 Vlisci poterunt, belloq; imponere finem.
 Ergo progeniem, famulatum matribus atris
 Moschorum loris uinctam, ire sinetis ahenis?
 Regnaq; clementum, promissa æterna Deorum
 Numinibus, prodetis uestra ignauia? id ipse
 Crediderim, uestris si non iam mille lacertis,
 Occubuisse probè Moschorum examina scirem.
 Verum sufficiunt animos, tot bella labore
 Vestro successus, nimium sortita secundos.
 Nam quid Obertinum, tantis ubi uiribus ingens
 Bessarabum (fuerat uiginti è millibus) agmen
 TARNOVII ductu, uestris cecidisse sub armis
 Fecistis memorem? quid tot concisa sub Orsam
 Millia? quidq; Starodubum? prius alta redibunt
 Cæruleis in terga uadis, ortusq; requirent
 Flumina: conuersisq; petet conuersus Eoum
 Phæbus equis, hæc quam tristis rubigo uorabit,
 Ullæ TARNOVII capient obliuia laudes.

Cur

Cur igitur timeam? uestris nec fidere possim
 Viribus? aut longè cogar spectare minores?
 Hostis adest toties uictus, uos semper adestis
 Victores, illum regnandi dira cupido
 Extraxit latebris, patriæ uos impulit almæ
 Altus amor, prohiberetis quò in uestra ruentem.
 Agnoscit certè uires, & robora gentis
 Illæ suæ, ternam in quingentos mille (pudendum)
 Myriadem ducit: sed desperasse uidebor
 Iam uobis socii. Non uos deterreat hortor
 Barbaries: uestram monitis spem figite diuum,
 Gestorum memoresq; priorum, frangite tandem
 Moschorum regnum, uestro & supponite Regi.
 Vos autem iuuenes, Martis qui munia uultis
 Attrectare manu, Moscho curate Gradiuo
 Sanguine perfusi uestras ostendere peltas.
 Maiorumq; secuti hylares uestigia, tandem
 Pro meritis similes nostris speretis honores.

Vix ea fatus erat, curuis umbombus omnes
 Increpuere, & opaca statim caligo refulsit.
 Apparent cunei hostiles, & barbara Moschi,
 Agmina, ceu densis quæ obnubilat aerea guttis
 Nubes, & superant numerorum milite fines.
 Mirantur Lechorum animos, qui credere campo
 Conentur, tantæq; uelint occurrere genti.
 Præcipuè ante alios, tristi insonat ore Uasillus

E

Se

Se dedant , animiq; ferocia fræna retardent :
Montanus ueluti diffidens uiribus agmen
Ante lupus pecoris uiso custode Molosso
Infundit sub corda metus ululatus , atque
Se terrore gregem fracturum credit inani .
Verba ubi nil fecisse uidet , præcordia dira
Concitus sanie , prælongo fata quid , inquit ,
Lechorum socii ? saluis se dedere rebus
Nolunt , deuictis certè spes nulla salutis .
Irruite , & caesos , flagris compellite Moscam .
Obstrepere simul , discordi cornua cantu ,
Tympanaq; & litui , simul hastis undique flexis
Concurrunt : Martemq; atro clamore lacessunt .
Sub pedibus mugire solum , collesq; propinqui
Sunt uisi , ingenti minitare fragore ruinas .
Haud secus , ac Boreæ si cum uiolentia flantis ,
Aeris stridore Alpes inuaserit , orni
Verticibus summis nutant , siq; acrius illis
Incubuit , montis media cum mole deorsum
Procumbunt , casuq; obiecto colle reperto
Dant sonitus , reboant totius uiscera terræ .
Iamq; uirum fremitus , & tetris fulgura bombis
Elibrata tonant , tanquam compage soluta
In deforme chaos , rueret si machina cæli .
Missilium turbo , uolitantesq; astra sagittæ
Subtexunt , clypeisq; frequentes ictibus instant .

U

Ut crepitans, noctu caelo demissa patenti
 Grando, ferire solet summi fastigia tecti.
 Ductores acies, hinc Lesnouolus, illinc
 Atoschus agunt, Martemque cient clamoribus ipsi.
 Incumbunt socii, & qua sunt densissima tendunt
 Tela, hostemque; licet per uulnera colligit omnis.

Primi acies medias Atoschum Sennaius, atque
 Potocius turbant, laeuum Sborouius acer
 Sortitur cornu, dextrum Olesnicius hostem.
 Nec mora prostratis primis, diuersa repente
 Alea procubuit, certum discrimen utrosque
 Diuidit, & uictus se succubisse fatetur.
 Latior adest Lechum partes fortuna tuetur
 Cedere coguntur, magni uexilla Vassilli.
 Si tali quatuor tauros, ardore leones
 Inuadunt, Martem certe non acrius urgent,
 Sed maiore, datum est uobis superare labore,
 Lechiadae Atoschos. Non solos tanget Atridas
 Iste dolor, uos & fortem noscetis Achillem.

Atoschus ubi fractas, audit cecidisse phalanges,
 Tygribus horridior, rapidisq; citatior Euris,
 Irruit in medias, furibundo & personat ore.
 Non pudet ignaui pedibus uos fidere? quos iam
 Haecenus hostiles, decuit uincire lacertos?
 Me duce commoneo, me me conuertite turmas.
 Haecq; ubi: pugnantes onerat regalibus omnes

Pollicitis, clausa increpitat quatrino de morantes.
 Solus & ante alios, prætenta cuspide, cursu
 Sennauii in cuneum, fodiens calcaribus armos
 Torquet equum, totumq; impleuit cædibus agmen.
 Et socii subeunt, iterumq; incepta capeffunt
 Prælia: pars aliis sudibus, pars cæstibus instant.
 Hic cerebro maculat terras, illi inguina ferrum.
 Haurit, & effuso uitam cum sanguine perdit.
 Pars humeros mutilata iacet, pars altera telis
 Obruta, sanguineos attollit stragis acervos.
 Hæc eadem totum cædes, peruaferat agmen,
 Potocii, multisq; ducem, spoliarat amicis;
 Stat tamen, & referens cæsos, sese hostibus offert
 Intrepidusq; iniustum exercet in æquore Martem.
 Ac ueluti annosam, Zephyrum uiolentia, quercum
 Productis ingentem humeris, si euellere tentat,
 Frondosos tantum proscindit corpore ramos,
 Illa immota manet, nec scit molimina Cori.
 Dat leiho Haurilona, prior qui inuadere Lechum
 Agmina conatus, socio tepefecerat hastam
 Sanguine, pollutaq; ornu se uictor agebat.
 Mox ruit in cuneos eius, totosq; pererrans
 Fedconem, Costumq; & Agam, prima agmina Moschi
 Sternit, & æquata sociorum lance rependit
 Funera; multorum rutilo, præcordia ferro
 Induit, & rigida auellit cervicibus ora.

Sig:

Siq̃ Deum factis, componere nostra licebit:
 Cum Phlegrea manus, conferret Pelion alto,
 Calicolasq̃ omnes, infanda in bella uocasset;
 Quantus in Argolicis, in praelia rector Olympi
 Surrexisse notis legitur, congestaq̃ telo
 Pondera, in authorem uertisse Typhoea; tantus
 Potocius, postquam Moschum super agmina late
 Incidit, ingentes rigido dedit ense ruinas.
 Non etenim minor Oceano, cum horrentibus undis
 Ingruit, & longè populatur littora, fertur.

Parte alia, Moschum quoque rapit impetus acrem,
 Lumine perugili seruat Sennaius; atque
 Illum exultantem, caesisq̃ indigna mouentem
 In medio speculatus ait, tum impunè meorum,
 Hinc Lucos comitum spoliis oneratus abibis?
 Hoc si fata uolunt, me etiam tuus auferat ensis,
 Si nos regna manent, caesorum hastile reportes
 Hoc à te pœnas: simul alta amenta resoluit
 Cuspidis; illa Noto citius per mane uoluta
 Dira penetrasset, lethali pectora ferro,
 Aeternamq̃ uiro peperisset uulnere laudem;
 Sed fatum impendens Moscho, Saturnia Iuno
 Avertit, dextraq̃ in partem missile flexit.
 Fortè ibi Sachmates, Martem mucrone ciebat
 Regulus, & Moscho consanguinitate propinquus.
 Astrabanensis homo, pelagi qui cuncta regebat

Littora

Littora Caucasu, felix si in praelia nunquam
Lechorum exisset: nam robur pertulit ictum
Hucusq; , inter & armati sese ilia totum
Condidit: ille miser peregrina morte peremptus,
Defluit in terram, & Scythicas reminiscitur Ordas.
Iamq; aliud dextra emissum Sennaius, alto
Librarat telum, Moschumq; infestus adibat.
Imparibus postquam, cernens matrona Tonantis
Viribus, audaci Regem occurisse Polono,
Clamore ingentem simulat, totumq; teneri
Hostiles tergum cuneos, rumore sub aures
Pertulit illius, lapsis succurrere rebus
Festinare iubet solum; sic ergo reflexo
Quadrupedis cursu, turmarum praelia frontis
Deserit, & fatum iam iamq; elabitur instans.
Protinus at femore educto Sennaius ense,
Quo nam Mosche fugis? nostros ne sperne triumphos,
Hac tibi, constiterit credas uictoria dextra,
Inuehitur celeri in Moschorum examina cursu.
Quarentiq; Ducem, iaculis quem inceserat ante
Et spoliis uictor comitum exonerasse uolebat,
Obycitur, Seueræ præses regionis, Iuanus.
Incluta progenies Boreæ, qui ex ordine longo
Iapeto referebat auos, prognatus Alano.
Hicq; ubi Sennaium, se contra tendere uidit,
Ingentem totis coniecit uiribus hastam,

Obuiat

Obuiat ille , pacisci & uult pro laude salutem .

Iamq; emissâ diu , ualido perfregerat ictu

Fraximus umbonem , obstruxit lorica meatus

Vlterius , textitq; frequenti pectora ferro .

Immotus tanto penitus discrimine , missi

Sennauius , super , eludit conamina teli .

Accurrensq; celer , gladium pugnantis in ore

Abdidit , & latebras animæ trans robore fodit .

Nil olli Iapetus proauus , nil Terra genitrix

Profuit , infelix animam sub Marte profudit .

Si quoderit mortis decus , & solamen humandi ,

Se sciat , inuicti dextra cecidisse Poloni .

Te quoque Moschorum uiderunt , Osga manipuli

Vulnera dirigere , & primas subsistere telis ,

Funeribusq; acies : felix tua dextera bello ,

Et factis generosa domus , quâ Tauricâ pestis

Influit , atq; Hypanis salibus uiciatur amaris .

At Lesnouolius , correpto milite dextro ,

Addensat primas acies , totumq; pererrans

Agmen ait , pugnat uiri , nec cedite campo .

Solus equi duros remouens ex ore lupatos ,

Immiscet sese Moschis , clamore Tyrannum ,

Exposcit , solumq; dari sibi sydera uotis

Aggrauat , & cædes sociorum in pectore mussat .

Qualiter Arcadicis , si forte est ursa sagittis

Mænalis ieta , celer pertransit lina plagarum ,

Vulneris

Vulneris autorem quærens, qui quando negatur
Corde coquens bilem, laniat crudeliter omnes.
Sic ubi subductum, non cernit in agmine Moschum
Lechiadum ductor, sociorum sanguine cæsis
Sacra facit, fuso placans libamine manes.
Heu regum agricolæ, quàm soluunt sæpe furores?
Principiò iuuenis lethali funere Hrysco
Sternitur, hunc æquis comitatus passibus Ilco
Consequitur; fratres ambo, uiridisq; iuuenta.
Ambo uixerunt simul, in complexibus ambo,
Oppetiere; ac ulterius producere uitam
Nolebant, pacti hoc secum, si debita Parcæ
Stamina rupissent cuiquam, nec fata uenirent
Alterius, sociam properaret uulnere mortem.

At Ophcina pater, nec iam pater, utraque cernens
Corpora natorum, poteras me perdere, dixit,
Quisquis sis hominum hoc leitho; sed desine tanto
Nos terrere obitu, referam si pectore uires
Nam nosces, uel si doleam cecidisse Vasilii
Progeniem auspiciis: tantum præfatus in ornum
Incubuit, cursuq; cito desertur in hostem.
Huic contrà Lesnouolius; periuria Moscho
Constabunt tanto uobis, uestriq; Vasilii
Auspiciis pereas, genitor nec desere natos,
Dixit; & obiectu clipei, infestam excipit hastam,
Ophcinæq; latus, chalibum quæ iungere partes

Consuerunt

Consuerunt, magno laceravit uulnere laeuum.
 Flexo mox iterum cursu, contrà ambo feruntur,
 Ingeminantq; ictus telis, mortemq; laceſſunt.
 Hic Lesnouolus, manibus librare paranti
 Alcius, eductis ingentem utriſq; bipennem,
 Traicit (influxum patuit tum forte cruorem
 Ore uomens uulnus) diro præcordia ferro.
 Purpuream ille animam, geminato ex uulnere fundit,
 Atq; super geminos, moritur sua pignora natos.
 Mosoui interea, absq; ullo discrimine pugnae,
 Et Roxana phalanx subeunt, nouus ingruit horror.
 Glandibus emissis, prorumpunt agmina Moschum,
 Excussisq; furit duris Graduius habenis.
 Undiq; funebres lachrymae, gemitusq; cadentum
 Impellunt aures, dolor undiq;, & undiq; mors est.
 Victores uictiq; ruunt, saluare salutem
 Quà possent, ignota fuga est, inuadere totis
 Viribus obnixi pergunt, & uulnere mortem
 Appetiisse magis curant, quàm cedere campo.
 Non secus oppositos uesana superbia uentos,
 Sæua in bella rapit, qui quando ex parte polari
 Aduersa coeunt, conuulso cardine cælum
 Præcipitare student potius, quàm horrescere uires
 Alterius, nimia sese formidine prodant.
 Stabat ab opposito, hirsuto Mæotidis urſæ
 Igmine, terribilis Battus, dupliciq; pharetra,

F

Col-

Colchica progenies Bättus, cui cornua lunæ,
Dum libuit seruire, poliꝫ relinquere sedem.
Nubila, quin etiam luce induxisse serena,
Dicitur, atque eadem magicis pepulisse uenenis.
Sæpe gradum Phasis tenuit mandante, feroxꝫ
Caucasus intremuit, maria atque insana quierunt.
Hic dum bella calant, acies aconita sagittis
Miscuerat uirosa suis, stygioꝫ liquore
Feruenti, rigidum decies tepefecerat ensem.
Quoquo illum furibundus agit tantum impetus, omnes
Prosternit, sæuisqꝫ simul lethale uenenum
Vulneribus miscet: nullus Phlegetonta Carontis,
Non adiit, lembo translatus, acumine ferri
Quem solo læsit, capitisqꝫ extrema momordit.
Talis Thysiphone, medio cum surgit ab orci
Eumenis, afflatu uirus perfundit Achantis,
Arboribusqꝫ, adimit uitam mortalibus ægris.
Quaque tulit funesta pedes uia torrida monstrat.
Sed Deus, hanc Lechorum auertit ab agmine pestem.
Namque ubi miscentem cædes, Zamoscius alto
Aspexit, rigido non eius territus arcu,
Nonqꝫ uenenatis (fuerant spes sola) sagittis,
Nec diro fauces, ursæ remouentis hiatu;
Ingentem quatiens hastam, per tela per hostes
Occurrit Batto; ueluti sub amore iuuentæ
Taurus ab immitti offensus raptore bidentum,

Itatis

Iratis primò cælum mugitibus imp' let;
 Naribus atque efflans ignem, palearia subter
 Pectora supponit, curuis nunc cornibus hostem
 Summouet, instantis pede nunc premit, ora bisulco.
 Nec prius absistit, nisi sanguine cornua tetro.
 Imbuerit, uitaq; suum spoliauerit hostem.
 Battus ut obiectum, qui contrà obsistere tentet
 Vidit, lætatur demens, prædamq; leonis
 Instar, ad optatam properat; neruoq; sagittas
 Applicat, incessens iaculorum turbine Martem.
 Sustinet ærato, coniecta Zamoscius orbe
 Tela, & in aduersum magno ruit impete, torquens
 Quadrupedem; decimum tandemq; aptare parantem
 Amentis telum superat, uitæq; meatus
 Esophagumq; haurit pinu; mox deserit ille
 Quadrupedis dorsum, nec Tartara sponte subiuit.
 Effluxit, pharetra sanies, dirumq; uenenum
 Victori cessit, socii Pæana sequuntur.
 Ille autem moriens, largos effundere fletus
 Visus erat, tristisq; humili ore rogare salutem.
 Ante utinam petiisse miser, funebria uellet
 Tempora, dum uitæ nondum subrepta potestas
 Absuit; At mortale genus, præcordia fati
 Ignarum, lætis nimium successibus, iras
 Attollit, quas aduersis cognoscere nollet.

Densior interea Moschum globus adfuit, inter

F 2

Quos

Quos bubulis lati coriis (imperuia telo
Sunt hæc arma ducum gentis) Negusa, Corupscus,
Prima acies adsunt: maculis fert discolor albis
Negusam quadrupes, uolucris ruit axe Corupscus,
Serrebin ille comes, dextræ qui præfuit ale;
Hic socerus Batti, & Moschum pars maxima regni.
Qui simul, ac socium campo uidere iacentem,
Infremuere animis, ignemq; hausere medullis.
Qualis & Aegeo, leuibus commota procellis,
Vnda mari placido, dum concutit æquora motu:
Quò magè proludit, tantò feruentius iras
Colligit: & tumidum terris imponere pontum
Nititur: haud aliter conspecto corpore Batti,
Vis effræna uirum ruit, & fert corde dolorem.
Obuius his contrà, ingenti Zamoscius hasta
Comparet: quem compta suos uictoria crines
Lata, ornat spoliis Batti, & circumuolat alis.
Cui Negusa, meos etiam audaciissime contra
Insurgis casus? necdum lætaris amici
Morte? equidem timui ne te ulla potestas
Auferret nobis, & prælia nostra caueres;
Sed tandem incipias, quoniam te fata dedere
Negusæ, atq; in Marte ualet tua dextera tantum,
Incipias conferre pedes; sed Taurica quales
Educat, haud illos nosces hic esse Quirites.
Oppetere his dabitur campis. Dum talia Moschus.
Vesano

*Vesano ore daret, clipeum Maortius heros
 Aptabat lateri, & telum torquebat in hostem.
 Nonq; diu uenientem illo feruore tulisset.
 Ni Sebridouio iunctus Secignouus, alas
 Admossset, pugnaeq; moras, fatoq; dedisset
 Negusæ: ille etenim, postquam iunxere cohortes,
 Aggressus socium, cognato hæc protulit ore.
 Non tua nos fallit uirtus, & dextera cur hic
 Venimus; instantis fecit uiolentia Martis.
 Exigui numero sumus, hac sub mole (quod absit)
 Si caderes, nostris auferres plurima rebus.
 Non uerò uolumus, communes esse triumphos,
 Queretur nostris, etiam sua præda lacertis.
 Ast Zamoscius hæc, quamuis non nostra molestene
 Pectora Moschorum uires; umboneq; uoluam
 Mille boues; & nostra sequatur uulnera sanguis;
 Vos tamen accipio socios, communia sunt
 Omnia; non etenim rebus studuisse paternis
 Tempora nos poscunt, patriæ nunc gloria detur.
 Hæc ubi dicta dedit, prætenta cuspide uelox
 Occurrit Moschis; dubitat Negusa timetq;
 Viribus, ast illum coniuncta agit ira pudori.
 Concurrent, primus teretem Zamoscius hastam
 Iecit, at illa uolans, per lintea mille, boumq;
 Terga nouem, triplicemq; rigenti ex ære per orbem
 Transiit, atq; imo Negusæ in pectore sedit.*

Procubuit

Procubuit Negusa statim, mistamq; cruori,
Singultans animam, tenues efflauit in auras.
Quem super assistens letus Zamoscius inquit,
Quò nam inuide ruis? non te Moschonia tellus
Huc misit? Scythicæ nunquam cæssura cohorti?
Scis tandem, quid nostra in bellis dextera possit.
Venturos igitur uestros, Acheronte nepotes,
Parcius exoptent, nobiscum bella monebis.
Ille autem moriturus, adhuc quod missile dextra
Librabat iecit; quod mox Zamoscius orbe
Retractum clipei, pereuntis in ora retorfit.

Iam parte ex alia, quæ signa inimica Corupscus
Protulerat, pugnas curruq; ciebat ahenò:
Conciderat Ceremissa phalanx, & cæde Corupsci
Inuoluere rotas, cursusq; premebat equorum.
Instant Lechiadæ, & ferro augent stragis acervos.
Hinc Sebridouiana cohors, Secignouius inde
Grassantur, fessis ullam nec habere quietem
Concedunt Moschis; Lybicis uelut Auster in oris
Dum surgit summos, æquantes sydera lucos,
Turbine commiscens terras, inuoluit arenis.
Non secus, instaurantem acies, ex axe Corupscum,
Corporibus procerum, cæsorumq; aggere fratrum
Opplent Lechiadæ; curru sublimis equorum
Ille gradus poscit, mortesq; umbone repellit.
Increpitant hostes, subito incursumq; minantur

Fata

Fata uiro, miserum telisq̃ frequentibus urgent.
 Quales auritum, quando speculantur ab alio
 Accipitres leporem, uel roscida colla rubentem,
 Arbustis anatem proteſtam: immane sonantes
 Arguto ſtridore polos, atq̃ æthera complent.
 Et poſtquàm arrexere comas, & pectore bilem
 (Suadet enim ueſana fames) cæpere, uiciſſim
 Arripiunt curſus: pectusq̃, pedesq̃ recuruos
 Oraq̃ collecti nodo, ſæuo impete, plagas
 Incutiunt. alternatim Secignouius hoſtem,
 Sic Sebridouiusq̃ premunt, & uulnere tardant.
 Interea ueniens ignoto emiſſa lacerto,
 Lethali alipedes icſtu, confodit arundo;
 Conſternuntur equi, & raptō in contraria curru,
 Præcipiti caſu ceruice, rotisq̃ Coruſcum
 Excutiunt; longo ruit ille per aera tractu.
 Quem Sebridouii, telo præfixa rigenti
 Lancea conſequitur, punctimq̃ inueſta penetrat
 Terga boum, & ſummum deguſtat uulnere collum.
 Extrahit ille manu telum, ſed mucro recuruus
 Neruorum in medio, ſanie remoratus inhæſit;
 Inq; hoſtem uerſus, clypeo aſſurgebat, & enſis
 Auxilium, hoſtili gauderet morte petebat.
 Aſt ea conantem, ſolida Secignouius ornu
 Præuenit, ingenti robur ſtridore per auras
 Intonat; & dextro qua iungitur ulna lacerto,

Quaq̃

Quàq; uirilis habet manus internodia, uulnus
Direxit, pugnant ensis, clipeusq; Corupsko
Effluxere, fuga & peteret suasere salutem.

Magnanimi Heroes, nulla hic iniuria uobis
Inferitur, quod uestra amborum uni arma Corupsko
Opposui, stat uester honos, & gloria belli.
Nullius dextræ diffidimus, ambo rotundos
Concutitis clypeos, celeresq; insurgitis hosti.
Verum, sic quoniam non inuida fata tulere
Ut uobis cæsus, sequeretur signa Corupsko
Victorum, & Lechos præferret sorte paterna;
Complacuit profugo nobis, has tradere partes.
Diceret atrocem, quo uos feruore Graduum
Excipitis, qualesuè manus miscetis in armis.
Et uestris, circum Lechorum uectus in urbes
Elogiis, iuuenum bello succenderet iras.

Pulchra equidem laus hæc, etiam uisura nepotes.

Te si non animi piguit, cecisse Polonis
Nec merita illorum pudeat retulisse Corupski;
Hoc siquidem melius profugam solabere sortem.

Nec dum animis Acoschi cecidere, inimica reflexo
Signa gradu agglomerant, multoq; in prælia plures
Succedunt, cæsisq; inducunt mille maniplos.

Alcidis tanquàm, mutilati colla dracones
Lernæi, manibus semper geminata resumunt.

Lechiadæ duri, multis obsistere contra

Productis

Productis nituntur equis ; hinc inde phalanges
 Coniungunt , & ui grauiore feruntur in hostes .
 Emicat ante omnes ductor Vvriscius armis
 Emeritis ; æuo Pilios iam tempora cuius
 Aequabant annos ; sed amor sub corde senili
 Mauortis iuuenilis erat , roburq; nec Hydra ,
 Nec Nemeæus aper cui , nec terrena propago
 Sufficerent : rutilis Mauortem spirat in armis .
 Hic ubi Lechiadum , toties exisse labores
 In cassum uidit , nec adhuc , nisi sanguine primum
 Quærat , longo , sortem apparere benignam :
 O socii dixit , quo fert fortuna sequamur .
 Nam Atoschos ea monstra petunt , quod prælia nobis
 Durius eueniant , quid enim ualuere uidetis .
 Longius ut pugnent utinam oro , nulla prophanæ
 Extabunt (ut spero) usquam uestigia gentis .
 Verum si cupitis , nos ut uictoria felix
 Excipiat , lætoq; coronet tempora lauro ;
 Vnitis omnes instate cohortibus illis .
 Robora ne citius , dum sunt diuisa refringant :
 Ne me equidem ex acie hac , uobis adferre triumphum
 Cernetis , uel prostratum liquisse coronas :
 Si pereo , saltem patriam seruasse iuuabit .
 Classica ad hæc , pugnam accendunt , Martisq; furores
 Horrendas , augent , lituis clangentibus iras .
 Impete pernici ruit , & superincumbat hosti

G

Lechiadum

Lechiadum legio; strictis mucronibus omnes
Rem peragunt, uersantq; suos in cædibus enses.
Horriſer æthereum, clamor perturbat olympum.
In belli introitu, primoq; in lumine cædis,
Semona Palenci, obruncat Uuriſcius acer.
Huic Cnaſum Biſci, auxilium perſerre uolentem
Ferre disſiciens inſeſto, tegmina ferro
Adiunxit; uerum poſuit diſcrimen utriq;.
Nam tibi Palenci, caput à ceruice reuulſit;
Te conſoſſa ſuum deplorant ilia Biſci,
Ei pingui in ueſtes abdomine lenta feruntur.
Ei ſocii glomerant cædes, mucronibus atraſ.
Beldouius Sencona ferit, Dimitrumq; Bludumq;.
Perſequitur Couarem, eiſq; in morte moratur.
Iuaſcum Celadina ſibi Tarnauius antè
Præripuit; ſoluſq; ſuo illi ablanditur enſe.
Nec quicquam obſtanti Voroſinſcum conterit, atq;ue
Membra inter, rigidum condit uitalia ferrum.
Inde Petrilonem ſuperat, quo Moſchica nullus
Signa ſequebatur maior, ſonuere propinqui
Eiſ ad interitum montes, & pondere tellus
Intremuit mater, nigris & inhorruit undis.
Nec Bunicouium retinet mora, pectora Vaſci
Traycit, atque in corde, tenuſ capulo abdedit enſem.
Hoc & Baliciuſ facit, Andricumq; trinode
Uſque ſub intimi, fluuium demittit Auerni.

His

*His quoque coniungit Semetcum Vnecius, atras
Atque subire iubet, vasti Phlegetonis arenas.
Sed quis tot cedes, & singula praelia uersu
Expediet? cui lingua triplex, & ferrea uox est.*

*Interea dextro in cornu, Olesnicius armis
Cui iuuenis praeerat, sed nulli Marte secundus:
Subdola Lechorum arisit fortuna furori,
Promouitq; neces Moschis: iam lue relicta,
Prospectare fugam, & pugnas posuisse parabant.
Cessissentq; loco, ductor ni Ediga fugatum
Firmasset clamore agmen, consistitur ergo.
Per medios Ediga ruit, pugnamq; recuruo
Poscit Olesnicii gladio; ceu magnus Orion
Cerulea dum sulcat Nerei, supereminet undas,
Brachia, Neptunumq; patrem in certamina querit.
Obuiat intrepidus, celeri per inania cursu,
Lechiadum ductor, caesis tot millibus, actum
Nil reputans, caesarum sospite rege phalangum.
Nec mora, quadrupedum hortantes calcaribus armos,
In mediis cuneis, quassantes impete terras
Confluxere duo: ferit horrifer astra boatus.
Principio diuos, agnouit uterque benignos.
Postquam alias inere uias, aliosq; recursus
Conuertere, simul contraria tela iulere:
Tum demum ardescunt irae, & pugna aspera surgit.
Iam cessasse loco pudet, aut conuertere retro*

G 2

Alipedis

Alipedus cursus, nudasse de decet atræ
Terga fugæ, quem quisq; locum tenet utitur illo.
Obfirmant contrà alipedes, cursusq; uicissim
Impediunt, pugnam & sine iam concursibus urgent.
Hinc atque inde rotant enses, animæq; recessus,
Sollicitis quærent animis: quâ lethifer instat
Ensis, uterq; arcet clipeo, uel reprimat ense.
Quaque patent aditus, hostiq; pericula mortem
Intentant, istuc inimicos dirigit ictus.
Sic Elephas, rigido squammæ munimine tectum
Rinocerota petit; nec se indiscrimen apertum
Præcipitat primò, ni quâ præuiderit hostis
Conatus molitur iter, cornuue repellat.
Denum si fortuna ferat, sub tegmina dentes
Conycit, & geminato ebore, inguina inermia scindit.
Primus Olesnicio, in tanto certamine cristas
Armorumq; decus, conos galeæ, abstulit ense
Barbarus; exiguoq; caput discrimine læsit.
Iamq; etiam uulnus, sublato inferre parabat
Vtterius capulo; uerùm Olesnicius ictum
Ense celer subiit, ferrumq; per ora doloris.
Edigæ torsit, neruosq; ab origine rupit.
Pigrius ille ruit, rapit Olesnicius alto
Quadrupede exanimem, truncumq; reliquit arena.
Olli continuo frigus peruadit in artus,
Clara & in æternum, clauduntur lumina somnum:

Vicq;

Vitaq; cum lachrymis, dudum luctata sub umbras
 Ausugit, & medio pœnas persoluit Averno.
 Victor Olesnicius, galea terrore decora
 Cristarum Edigæ, uictricia tempora clausit.
 Heu generose uirum, quid te mutare comantem
 Cassida compellit? nempè ut uirtutis adesset
 Hoc insigne, tibi testis? uidere Poloni,
 Moschorumq; duces, fueris quàm magnus in armis.
 Aeurope atque Asiæ, indicta si hic tribunal
 Iudicis accedes, super his seruabere uotis.
 Sed si tantus amor spoliis, ac infracta salutem
 Promittit cassis, longè est fœlicior illa,
 Te qua cognouit uictorem Ediga superbus.
 Androgei rutilo, pubes Troiana nitore
 Prodit cristarum, pœnas persoluit Achæis;
 Hæc ne fata tuum, maneant caput, abiice quæso
 Hostilem galeam, mutilos ac indue conos.
 Extemplo turbatæ animis, nutrire cohortes
 Corde fugam Moschi, Edigæ mors addidit alas
 Veloces illis: & seruato ordine nullo,
 Iam iam terga dabant; sed quos Ceremistia gignit
 Insignes iaculis, tractant qui & bella pharetris,
 A susco submisisti equites, fugientia sistunt
 Agmina, uictoremq; ipsum statione coronant.
 Ille anira fidens, socios ad prælia cunctos
 Aliocet, & medios effusis uiribus hostes

Aggredi-

Aggreditur: quo sola salus elongat uiramque
Agminis in binas partem, nonque orbe resistit.
At quem fata trahunt, hic frustra adferre medendi
Confidit se posse modos, nam Iuppiter altius
Per Stigias iuratus aquas, manesq; profundos
Parcarum leges ullo non iure refigit.
Obruitur primò iaculis, mox glandibus, atque
Pondere fundarum; socii testudine facta,
Excipiunt hymbres, commixtaq; fulmina nimbis.
Sed uires inimica phalanx, compage soluta
Auget, & inconstans dudum fortuna, uidetur
Velle nouercari, primos quæ adiuuerat ausus.
Iam clipei, umbonesq; stupent tot robora, dextra
Atque pedes, uiresq; labant, sub pectore solo
Mens infracta uocat, defendant ense salutem.
Vel si fors tulerit mortem appetuisse, ruinam
Moschorum faciant, & non moriantur inulti.
Hoc uisum est cunctis, nudis mucronibus hostes
Proturbant, captisq; redit sub pectora uirtus.
Verùm Olesnecium, quò uult inimica morantur
Fata, negantq; illi meritis pro talibus annos.
Vix triplicem femore, ad pugnam distinxerat ensem,
Septenis & corda rotis, quibus umbo repellit
Decluis mortes, & ineluctabile fatum,
Numerat; fulsere iubæ & mox cognitus horror.
Tum uerò ignescunt Moschi, illum tendere contra

Non

Non audent, tantum contorquent spicula plenis
 Cornibus; Edigæ ante alios, lunauerat arcum
 Certius agnatus Curilo: atq; elapsa, per auras
 Nondum aderat neruo sanies, stridore propinqui
 Cum permota arcus, cassus (mirabile dictu)
 Prodidit egregium iuuenem; rimosaq; telo
 Præbuit accessus faciles, & sanguine flexit
 Hostili Edigæ manes; nam missa sagitta
 Cum uenit facile cerebro tepefacta resedit.
 Fertur Olesmicius leitho, iuuenilia tabo
 Delibuta, modis pallescunt tempora miris.
 Ut si quis uiolas, & molli scindat Acanthum
 Pollice, confringantq; Acclissophilla pruinæ;
 Quæ uixere rigent, uigor & non primus in illis.
 Languescunt in morte, caputq; in terga reponunt.
 Fortunate puer, uates si adamarit Apollo
 Nos, poteruntq; aliquid tanti mea carmina quando,
 Nulla tuas unquam capient obliuia laudes.
 Dum genitor fluuios, lituo compescet eburno
 Istula Sarmaticos, & sceptrâ Polonus habebit.
 Uives, ex animisq; hominum, non te eximet ætas.
 At socii, iniusto postquam sub uulnere uitam,
 Ductorem effudisse uident, hinc cominus atq; hinc
 Exanimem circumstantes, à corpore telis
 Propellunt, complere sinunt nec gaudia Moschos.
 Qualiter Hibleæ, concluso rege cateruis

Hostis

*Floſtis apes, totis conamina uiribus arcant,
Et proprio redimunt, ductoris ſanguine uitam.
Sed longum miſeræ, tantum inſultaſſe cohorti
Haud licitum Moſchis; aderat cum gente minaci
Virchlenius, paſſim hoſtilesq; errare maniplos
Proſpectans, quod erat, mortem præſagit amici.
Porrexit contra cuneos, & tympana ubique,
Caſtigare iubet, Martemq; accendere cantu.
Mox celleri progreſſus quo, bis tempora circum,
Contorta, belli ſignum, quatrinode, manipulis
Expoſuit: ſocii tetris miſere chelidris,
Subiectis glandes flammis, & fulgura diro
Elibrata tono, confunditur arduus æther.
Permixti Moſchis, Nobai, Mordisq; Saulgi,
Cermiſſisq; ruunt; tanquam inclementia cæli
In ſegetes, ſi forte pluit diræ, iſtibus hymbres
Grandinis, immenſo pereunt ſata, parta labore.
Quæq; caput cælo extulerant, conuulſa ruinas
Cum ſonitu ad terras referunt; radice reuulſa,
Atque iacent terras nunquam uictura per omnes.
Dumq; metu trepidant, uacuosq; implere ſecundò
Virchlenius mandat colubros, quò occaſio nulla
Accedat, ſpaciūmue illis, perfracta locandi
Agmina: pugnantem longis inferre uerutis
Signa iubet cuneum, & ſeuas committere cædes.
Iuſſa ſariſſophori peragunt, plenoq; feruntur*

In

In Moschos passu, sedes complentur *Auerni*.
 Opponunt acies Moschi, conclusus at intus
 Miles Olesnicii, dirumq; in corde uenenum,
 Tardat eos; intra miseri caduntur & extra.
 Robora quæ potuit, bello tulit ultima *Suscus*.
 Accrescit numerus, uirtus decrescit at illis.
 Accrescunt stragis cumuli, uiresq; *Polonis*
 Cæsorū numerus, nec fors contraria subdit.
 Atque ea diuersa, quando regione geruntur;
 Quas pugnans sortitus erat *Sboronius* alas,
 Fregerat, in mediosq; suū promouerat agmen,
 Moschorum cuneos; regali splendida luxu,
 Illic barbaries, & spes certissima Moschum
 Constiterat; telisq; hostem prohibere parabat.
 Quos inter medios, magna se mole *Vasillum*
 Vertere conspexit, Martemq; accendere dictis.
 Ceu stabula alta inter, capream si forte *Lycaon*
 Conspexit, diro stimulatus acumine uentris,
 Dentibus infrendet, pectusq; exastuat igne:
 Mox seu difficiles aditus, seu copia portæ
 Vlla datur, metuendus adest, miseratq; bidentes
 Corripit, & multo saturatus uellere prodit.
 Sic ruit in Moschos alacer *Sboronius*, hostem
 Ingentem querens, quo cum *Maorte* perennis
 Commissa, æternū conferret gloria nomen.
 Hoc quoq; præcurrens uult *Lefnouolius* agmen.
 H Concep tumq;

Conceptumq; auget, sub summis ossibus ignem.
 Ergo statim cinctus, sociorum bella phalange
 Arripit, & Moschum celeri in penetralia cursu,
 Deuehitur; sensere statim generosa manipuli
 Corda uiri, caesiq; aliis cecidere ruinis.
 Ille petens regem, nunc hos nunc fulminat illos:
 Cum sociisq; simul, mediis in millibus ardet.
 Nuncq; satur caedis, deducta ex hoste phalange,
 Seponit paulum Martem, nunc robore sumpto,
 Viribus aggreditur, multo maioribus hostem.
 Atque iterum notis se immisceet protinus armis.
 Tanquam Hispanus Anas, delapsus flumine longo,
 Obliquisq; uadis fessus, sinibusq; reflexis,
 Absorptus reparat, sub hianate uoragine cursus:
 Post recipit uires, uariisq; inflatus aquarum
 Vorticibus, terræ specubus uiolentior exit.
 Fortius, & uastæ transmissis Thetys undis,
 Gadibus, auratas Tartesi erructat arenas.
 Non Moschi sufferre ualent, tot milite bella
 Incursumq; uiri, nudent si terga uerentur,
 Ne syrtes intrent, cupiunt dum exire Charibdim.
 Ad patrias artes ergo, fraudesq; dolosas
 Vertuntur, magiaq; uolunt committere pugnas.
 Et quem non fregere, dolis innectere tentant.
 In cuneos pandunt aditus, turmisq; phalangum
 Extensus, inferre smunt ibi signa Polonos.

Vota

*Vota ubi succedere cauo, mox cornua retrò
 Aere uocant, iunguntq; gradu diuersa reflexo
 Signa, hostis sinuoso & turbine terga coronant.
 Non secus, ac si quando citæ, intra tecta ferarum,
 Commouere canes, catulis commitantibus ursam:
 (Quos illa alternos cursus cum forte leuaret
 Mulcere, & docta informes effingere lingua)
 Agricola uasta infelicem indagine claudunt.
 Undique deuincendi ardore, Polona iuuentus
 Obiicit, armatis Moschorum pectora gyris.
 Ingentiq; periculo interrita mole sua stat.
 Desuper immixtas mortes, umbonibus arcet:
 Comminus aggreditur nudo certamina ferro.
 Qualis in Aegæo, deprensus nauita ponto,
 Inter se oppositi, attollunt dum prælia uenti,
 Flantibus antennas, æratos obicit undis
 Prorarum dentes, fluctus quibus æquoris altos
 Temperat, & tutos seruat per cærule cursus.
 Rarefcunt cunei Moschum, nam bellica uirtus
 Procumbit, flosq; ipse uirum queis corde Vassillus
 Magnus erat, gentisq; odium crudele Polonæ.
 Parcius oppugnant alii, licet æstuat idem
 Alorum sub corde furor, nec non minor ignis.
 Deiectiq; loco, obductas per terga, phalangum
 Dissoluere plagas, confecta; lina manipulis.
 Et ueluti uolucres, ad nota cubilia campo,*

H 2

Vesper

Vesper agit, cœloue ruunt instante procella
 Tempestatis apes, ubi dulci nectare cellas
 Distendunt: rapido regem petiere tumultu.
 Hostes unitis fracturi uiribus, illic
 Sed peior rerum facies oblata, repente
 Nutantes, tristi concusso corde pauora
 Confregit mentes, & desperasse coegit.
 Venerat in pugnas, Sboroui signa secutus
 Cifouius, longa solitus certare sarissa:
 Et belli comes, & doctus dulcedine linguae,
 Curarum lenire moras; hic dum acrius hostem
 Contrà intendit iter, Moschumq; in millibus erat
 Incautus, diro transfixus uiscera ferro,
 Ante oculos, uitam sub Marte reliquit amici.
 Tum uerò misero, turbatus funere lethi,
 Irruit in Moschos, catulis Sborouius urfa
 Orbata horridior, certoq; tenore Vafilli,
 In iugulum fertur, ueloci turbine rumpens,
 Qui conanti obstare uolunt: ceu dissipat acri
 Oeneis immissus agris, Latoidos aræ
 Vltor aper, dirum latrantes, dente molossos.
 Cuius sanguineis scintillant lumina flammis,
 Setarum ceruix horrore, hastilia præfert.
 Quandoque in medios, irrumpit feruidus hostes,
 Non minor elisis excusso nubibus igne,
 Fertur, & hosq; illosq; inimico diripit ictu.

Nunc

Nunc obliquata, rigidos ceruice per armos,
 Intendit dentes, reparato fortius ore,
 Missurus fulmen: nunc hoste à parte sinistra,
 Conciso, dextrum repetitis ictibus aufert.
 Quemlibet haud uolucris ignarus prosternere gyro.
 Viderat hæc Regina Deum, Saturnia Iuno,
 Atque ausis turbata uiri, ne gloria Moschum
 Concideret, & capti Martis non tædeat unquam:
 Quamuis fata uetant, non sit ignara Tonantis
 Consilii, tamen usque putat cessura labori.
 Sola per æthereos ignes delapsa, Vasilii
 Agmina coniungit, mentesque resuscitat ægras.
 Ipsi animos hostes contrà, uiresque secundas
 Sufficit, & socios Lecheia trudit in arma.
 Nunc succincta latus ferro, atque immixta manipulis,
 Militis officium complet, pugnasque laceffit.
 Iam princeps belli, nutantes increpat ultro,
 Et tepidum Martis clamore accendit amorem.
 Lechitisque ferè partos, extorquet honores.
 Interea saltus Hæmi, Rodopesque niuosos,
 Præteruecta Venus, celeri labentia cursu,
 Flumina, Threicius contingit nota pharetris:
 Strymonis atque undas, & sæui horrentia Martis
 Culmina, sanguineisque subit tentoria uelis.
 Torua uirum facies portas tenet, obyce uallo,
 Atque repentinos, à longè submouet hostes.

*In circum Thraces, lunatis cornibus errant,
 Pectoribusq;, obiectis exercentur equorum.
 Pars acres tendunt arcus, pars pila lacertis
 Contorquent, equites bibulae rotantur arena.
 Bellipotentis ubi sedes, laquearibus altis
 Dependunt clipei, & seruantia tela cruorem:
 Hinc rutilant galeae, cristis crepitantibus, inde
 Loricaeq;, hastaeq; simul, capientibus adsunt.
 In dextra Bellona sedet, Lis, Rixa, Furorq;
 Alacra rabies, Liur, Vindicta, Simultas,
 Contemptusq;, Odiumq;, Senatusq; ultima Cades.
 Sed cui propendet collo Regale sigillum.
 His famuli mortes, his Ditis numina Parcae,
 Blanditias adhibent, horumq; ope pondera ponunt.
 Pondera mortales, retinentia stammie uitas,
 Confidet in medio strato Gradivus in ostro,
 Lorica sacros, indutus nexibus artus,
 Acratam manibus librans utrisq; irinodem.
 Ad quem tum precibus Citherea est talibus usa.
 Postquam res Asiae, superis charissime coniunx,
 Euertisse fuit uisum, atque resurgere nostri
 Aeneae uirtute, iterum noua Pergama scirem:
 Nullum abs te auxilium, quo uellem fortiter hostis
 Sustinuisse manus, nec te ipsum in bella uocaui.
 Quamuis, non aduersa mihi tua sancta uoluntas,*

Tum

Tum foret, & Phrygia deberem plurima Troie.

Troiugenasq; illo posses arcere periclo.

Omnia sed fatis dederam, magnoq; Tonantis

Consilio, minuens contraria fata, Deorum

Pollicitis: qui ueri ut sunt sic uera locuti,

Promissisq; stetere suis: nam uidimus arces

Fundantem Asaraci prolem, Troieq; per aras

In Capitolino uenerantem, colle penates.

Vidimus & Romam, Tyberisq; potentia sancti

Quanta fuit, quantum iugo submiserit orbem.

At postquam Regina Deum, promissa Tonantis

Fregit, & Aeneadum de toto sustulit orbe

Imperium: haudq; incerta ferar, sententia uertat

Cum non ulla patrem: leges imponere mundo,

Et regere aeternum populos, sine iudice partes

Esse meas; Regnum placuit deferre Polonis.

Et facere aeterna gentes ditione tenerent.

Nam si Troiugenas libuit regnare parenti,

Et Lechis si forte prior queratur origo,

Asaracus genitor, Rethæaq; littora stirpes.

Quare ad te supplex uenio, & te in uota precesq;

Posco parens, uestro firmetur numine nobis

Imperium, spes nostra tuis nitatur in armis.

Tu Deus armorum, tibiq; omnis causa secunda est.

Cernis ut insultet nobis, Iunonis inique

Vis, & fraterno ruat, illa potentia bello:

Exere

Exere felices dexteras, confringe Vasilum,
Iunonisq; odia; æternum regnare Polonis
Sic liceat, miseræq; mihi finire dolores.
Dixerat: & niueis connectit colla lacertis
Coniugis, atque imas incendit amore medullas.
Tum genitor, noto postquam calefactus ab igne est,
Talibus orsus ait. Nunquam Citherea salutis
Oblitus Teucrumue, tuæque fui; abiice curas,
Nec perge indubitare mihi; si Troia dextra
Defendi posset, nostra defensa fuisset.
Te ducente, meis raptos ex hoste penates
Auspiciis, tulit Aeneas in regna Latini,
Obseditq; truces populos; Albamq; locauit.
Et nunc, Iunonis non exhorresce furores,
Deicere tui; poterit mea dextera quantum,
Omnia disponas, tibi nostra potentia subsit.
Hæcq; ubi dicta, Deam sanctis complectitur ulnis;
Bellonamq; iubet, rapidos conscendere currus.
Ignipotentis opus, Brontis Steropisq; labores.
Undique Trinacrii falces Cyclopes in illos,
Contulerant; falcati axes, temoq; rotæq;
Tegmina quadrupedumq; fuerunt helcia falces.
Exin commoto in circum Bellona flagello,
Instat equis; rapidi strident in cursibus axes.
RANCOR & IRA ruunt, celumq; hinnitibus implent,
Præcipitiq; terunt subiectos impete campos.
Postquam

317

Postquam iter emensi, & cuneos tetigere Polonos,
 Placati, Zamoscius & Sennavius hostem
 Contrà ubi constiterant, demum Bellona per armos
 Immittens Stimulos, commouit corde furorem.
 Illi concipiunt, ardentia pectora flammis,
 Gutturèq; eiiciunt ignes, simul impete facto,
 Falcibus obliquè moderantes, agmina currus,
 Moschica prosternunt, cumulant ac stragis aceruos.
 Per mediasq; ingressi acies, in dextra citato
 Signa ruunt temone, & uerrunt falcibus hostes.
 Mox uersi relegunt cursus, læuumq; fatigant
 Cornu, Iunonis nec eos præsentia terret.
 Ipsa soror Martis, serpentum Gorgone sæua,
 Excutiens Bellona manus, hinc inde cruentas,
 Seminat in Moschos, lethi genus omne: relecto
 Cordè infelicem iste animam euomit, ille sarissa
 Transfixus, nigras Erebi descendit ad umbras.
 Hunc secuire rotæ radiis, hunc ilia rostro
 Martis equi traicere, atque dedere ueruto.
 Ille medullarum, mixto torrente cruori
 Auulsa ceruice, soli largè irrigat arua.
 Huic pulmone sedet ferrum, huic diaphragmata glandes
 Infestant, illi lacerata est fabrica uitæ.
 Parua loquor, rigidus cunctos absorbet Auernus.
 At uerò Lesnouolius iam letior agmen,
 It circum uagus, & præsentis numinis omnes,
 I Admon et,

Admonet, atque ignes animis pugnantibus addit.
Quo stet quisque loco uidet, & quid dextera tentet
Quæque notat, quem bella inuent, quemque ocia tardent.
Suscitat imbelles, atque addit fortibus ignem.
Incumbunt celeres socii, lætoque feruntur
In Atoschos passu: tota regione colubri
Incensi, patulis eliso faucibus igne,
Horrendo stridore tonant, hic gesa pererrant,
Illic pila uolant, medio stat in æquore cædes.
In segetes ueluti, laxis Vulcanus habenis
Incidit, igne prius modico, per limina serpit,
Circuitumque omnem, flammis crepitantibus ambis.
Post ubi scintillis, litus uidet omne teneri,
Undique progreditur, flammisque uoracibus haurit,
Omnia, nec segetum campo uestigia linquit.
Sic omnis cecidit uirtus Atoschum, undique postquam
Viribus excisis, medio stetit horridus hostis.

Atoschus ut infausti, uires crebescere Martis
Vidit, & aduersa socios succumbere pugna:
Ignarus mentem quid agat, succurrit in armis
Pulchrum posse mori, & socios comitare sub umbras.
Sed uitæ natius amor uetat, hisque pauentem
Consiliis animum mouet, ac deterret honesto.
Si fugiat, fuga dedecus est, liquisse premendos
Demum turpe subit socios: his æstuat ergo
Pectora dum curis, ac ponderat omnia secum

Lance

319
Lance pari, nonque excusis rationis habenis
Vititur, utile damnosum, respectus honesti
Vicit, & in medios moriturum propulit hostes.

Quo turbata Iouis coniunx, Saturnia Iuno,
Præteruicta celer cuneos, aduersa repente
Obstitit, & tales mærens dedit ore loquellas.
Quò periture ruis? maioraq; uiribus audes?
Non tali auxilio, non pugnatoribus istis,
Res tua confurget, non si hic meus esset Achilles.
Quæ cælum rego, quæque homines irata figuro,
Esse hominesq; ueto, Phlegeton cui supplicat ardens,
Quamq; maris reuerentur aquæ, nunc uicta relinquo
Prælia, Lechiaco agmina nostra teruntur ab ense.
Heu mecum te hinc eripe. Sic effata morantis.
Cornipedem arripuit, fugiuntq; per auia retro.
Nec mora, qui circum steterant retulisse Vasilum
Ut uidere pedes, turbati pectora planctu,
Diuersi fugiunt, sequitur quos cætera pubes.
Dat metus attonitis stimulos, cæciq; feruntur.

Conclamant subito Moschos, cessisse Poloni,
Et cursu effuso, fugientum terga fatigant.
Imperiosa phalanx equitum, præcedere frontem
Nititur: atque leues uult cursu æquare maniplos.
Tantus amor cædis, tanta ac in pectore uis est.

Nondum constiterant fluiui, nec marmora subter
Occa suos poterat, ferrata abscondere fluctus;

1 2 Vici-

Vicinosq; immisso obsederat æquore campos .
Namq; diu imperium , horrificamq; Tyrannida Moschi
Pertæsus , fatiq; sciens , dum prælia starent ,
Fontibus undarum , sæuo commota tridente ,
Claustra relaxarat , reditum torrentibus undis
Impediens Moschis : hocq; est iuuisse Polonos
Officio uisus , sanctoq; applaudere Regi .
Hicq; ubi perueniunt , trepido fugientia cursu
Agmina Moschorum , pars sese in flumina saltu
Præcipitant : pars occultas , per littora calles
Auxiliumq; fugæ quærunt : diuortia nota ,
Et reditus , hostis uerum custode tenebat .
Ergo armis , animaq; exuti ad Tartara tendunt .
Quos uidit rapidis , innare in fluctibus Occa ,
Iratulus celus elabi , de gurgitis imo
Progrediens aperit fluctus , hicq; iniicit omnes .
Desuper at cumulo absorptos oppressit aquæ mons .
Sic nihil iniusti est , quod non terat ultio Diuum .
Iam sol inuito lustrarat lumine terras ,
Hæspertiisq; suos biuges , absconderat undis .
Extrema sed adhuc incensa crepuscula luce ,
Præbebant terris lumen : cum classica Lechos
Venatu hostili reuocant ; atq; æquore campi
Mox exire iubent celeresq; in castra reuerti .
Conueniunt omnes patrium Pæana canentes .
Quos inter medios , ubi Lesnouolius heros
Constitit ,

Constitit, innitens clipeo, his affatur ouantes.

Maxima res effecta uiri, hoc in Marte Vassili,

321

Procubuit robur Moschum, & lunonis iniquæ,

Ingentes cecidere minæ: hæc sunt (corpora monstrat

Fusa hostis campo) felici sydere cepti,

Primitiæ belli, & uincendo ex rege triumphi.

Craстina lux igitur, postquam repetiuerit ortum,

Vota patri æterno, primo soluamus Eoo.

Inde strues cæso geminas, ex hoste, trophæum

Mauortii sacremus, honor sit debitus illi.

Nunc uerò ægregias animas, uictoria quarum

Sanguine nos sequitur compulsæ, cadauera præter

Moschorum exceptas, tumuli decoremus honore.

Quod superest, animos firmate in prælia uestros:

Et uos passuram, dominos præsumite Volgam.

Digna relaturi uirtutis præmia uestre.

Sic ait, & factò demùm mox fine quieuit.

Ne quoque depugnasse sat est: quæ prælia nondum

Si benè sustinui, nec ueri militis ausus

Impleui, non nostra malignus nomina rumor

Opprimat, & turpes paulùm frænentur Hyæne.

Tyro fui, nec adhuc solidæ sub pectore uires

Exiiterant, fregitq, meos Lerne Hydra lacertos.

Nunc primùm graue Martis opus, tolerare tumultus

Asuesco, campoq, hostem expectare patenti.

Post aliquid dabitur uicio, cum bella geremus

Robore

1.6.102

*Robore maiori, & tunc dissoluantur Hyena.
Ni tamen antè meos ornari laurea crines.*


FINIS.

VALENTINVS ROSARIVS
IOANNI STARICONIO
SEMVS OVIO.

*ARMA uirosq; canis, funesta in praelia motos,
Quos Iouis exciuit uxor, & alma Venus.
Mira canis, fateor, prisco uix credita seculo,
Quò tulit, innumeros impia turba Deos?
Sed canis hæc falsò, uerè ut uideare locutus,
Scilicet hoc facit ars, ingeniumq; tuum.
Fingere concessum est, solis impune Poetis,
Sit mendax uates, uerus at Historicus.*

*Stella uisitat solum
Cum simplex labrat Intelligere iocos.
Manus copulat et ora*





8-0052 67086
b.005643779

11